

嘉靖天長縣志

皇明天長志卷之三

邑人王 心惟一編輯

知天長事餘姚邵時敏伯來刊正

人事志

壇廟 廨宇 戶口田糧賦役惠政屯田

學校風俗

禮君子營室先宗廟而後寢室其爲政也當先作廟  
宇以妥百神而後居廨

天長縣至聖先師孔子廟原在儒學中洪武四年縣丞

天長志卷之三

一

嚴植建於縣前十五年知縣劉道源遷於縣東東門  
之內祀

先聖配以顏曾思孟下列閔子騫等十人左廡祀澹臺  
滅明等五十四人右廡祀宓子賤等五十五人塑

先聖四配十哲像正統十五年知縣周安重修成化九  
年知縣王哲重修弘治九年教諭吾翕重修

舊志載

大成殿三間 東西廡各五間 戟門三間 石  
櫺星門三座 神厨三間 神庫三間 宰牲房

三間 宰牲池一口 泮池一口架以石梁 修  
建碑一通 木櫺星門三座 祭器籩一百八十  
八 豆一百八十八 簋四十四 簠四十四  
登五 鉶二十 筐九 俎并牲匣三 盥盆并  
架三 大小牲盤四十二 祝板一 以上原設

青酒尊一 銅爵二十 銅爵一百二十 新設縣人金茂

丞瑞安  
時置

泮池之南爲黌門黌門之外爲杏壇知縣鄭仁憲植  
杏於上花開爛如錦霞其後樹凋而爲邑博之蔬圃

天長志卷之二

二

後有生員貧難者立屋其上謂之外號又後有掌縣  
者收其租而入于民間矣

正德辛巳春知縣胡大有修戟門東廡之下爲屋三  
間祀包朱二公西三間爲神厨神庫

嘉靖丁亥冬知縣張懷邦開青雲路建樓三間路即  
杏壇之地樓在杏壇之前土城之上 庚寅

詔撤先聖先賢像易以木主遂改大成殿爲先師殿 辛  
卯

詔天下儒學立祠祀先師父啓聖公紇梁氏配以顏曾思

孟之父而程朱蔡三賢之父從祀焉是年立祠于儒學之左

詔從祀文廟去申黨公伯寮秦冉顏何荀况戴聖劉向賈逵馬融何休王肅王弼杜預吳澄及林放蘧瑗鄭衆盧植鄭玄服虔范甯二十一人增后蒼王通歐陽脩胡瑗陸九淵五人

社稷壇在縣西城外祀縣社縣稷之神壇制東西南北二丈五尺高三尺四寸出各三級由北門入石主長二尺五寸埋壇南中止露尖神牌二以木爲之硃

漆青字高二尺二寸闊四寸五分厚九分座高四寸五分臨祭設壇上以矮卓盛祭器洪武四年縣丞嚴植建洪武七年主簿周駿修成化十五年知縣鄭仁憲更置于舊基之西弘治十一年知縣周道重修

舊志載

神厨三間 神庫三間 宰牲房三間 宰牲池一口 門四座 祭器全

今按壇之外有周垣垣之外有環水林木蒼翠神靈有依但其內惟屋三間備官吏行禮更衣而已

所謂厨庫祭器今皆廢壞不存修而復之在乎人  
山川風雲雷雨壇在縣南城外祀以上諸神而城隍附焉其制度  
建修年月同社稷壇但此壇南向不用石主爾

舊志載

神厨三間 神庫三間 宰牲房三間 宰牲池  
一口 門四座 祭器全

今按壇之外有周垣其中樹木略存亦惟有屋三  
間而所謂厨庫器皿皆廢壞

邑厲壇在縣北城外祀縣無祀鬼神而主以城隍成化

天長志卷之二

四

十五年知縣鄭仁憲修弘治十四年知縣張鑑重修

舊志載

神厨神庫共六間 祭文碑一通 石門二座  
鄉厲壇十三所設于四鄉十三里

城隍廟在縣東百步洪武四年縣丞嚴植建天順二年  
主簿李成貴修成化六年知縣易居仁修弘治十六  
年知縣張鑑修嘉靖十八年住持曹玉全重修義城  
城門鄉皆有古城隍廟

二賢祠舊在縣治東祀包孝肅公拯朱孝子壽昌祠燬

于火乃即學宮文昌祠寄祀焉弘治八年教諭吾翁  
撤文昌之像正二公之位扁曰二賢祠嘉靖十二年  
余請于時侯錦轉達于按臺上蔡張公改勝因寺專  
祀朱公十七年張侯寅改東林寺專祀包公而學宮  
之祭遂廢

朱孝子祠在縣東四十五里秦蘭市東宋同仁鄉秦蘭  
里也舊爲勝因寺嘉靖壬辰寺圯高郵衛請其磚木  
修公署余適講業其中乃請改祠專祀朱公寺有遺  
田若干畝東北至官路西與徐某田界南至澗爲界

令僧佃種時修理祠院焉

包孝肅祠在東門市故東林寺也張侯寅改

心按朱公鄉賢包公名宦也各處皆有鄉賢名宦  
祠而我縣獨無豈特邑大夫學博士之過而吾黨  
與有責焉文獻不存鄉先生之德行邑大夫之政  
化泯沒無聞者多矣自今求之朱公之外如陳矯  
之政事陳騫之勲德乃東陽人東陽舊併本縣爲  
郡今其城在本縣之界朱延之乃壽昌之族朱英  
乃其孫朱樸乃其曾孫劉位之勞節乃橫山人橫

山見屬本縣皆所當祀者也其在

本朝如袁諶之恬退李瑛之自守陳敏之清勤張昊之  
典刑陶金之清慎包公之外縣令如趙苞之政教  
清明江夢孫之聽訟詳決傅楫吳師禮皆宋之名  
臣元郝偁之置師興學教諭如孫尚忠之教典不  
墜我

朝縣丞如嚴植之開立縣治典史如邊傑之公平制事  
知縣賀威之正大平易李尚達之廉明慈愛教諭  
如吳瑞之端方勤教吾翁之剛介善誘皆當祀者

也惟鄭仁憲置館舍修壇墀立義塚建市肆疏河  
渠使天長文物煥然一新其功當祀而終以累去  
薛慶死事其節當祀而始由盜起別爲一祠報功  
焉可也謹論其槩以俟

土地祠在縣儀門內土主廟在縣治西相傳縣基係張  
氏家故祠之云

馬神廟在縣治東洪武十年開設群牧監建景泰元年  
主簿李成貴重修弘治十四年移于學東正德間復  
移于城隍廟之東 八蜡在東門外市北

火星廟在城隍廟之左嘉靖十九年間縣多火災知縣張寅建

以上皆祀典之所得祀者

龍王廟有二一在縣西一在北門外三里竹龍祠在橫山白龍祠在冶山

東嶽廟有二一在縣西城外一在丁溪湖俗呼北岡廟五聖廟在縣治南五聖即五顯一統志神有五曰顯聰曰顯明曰顯正曰顯直曰顯德

司徒廟在縣治東城門內按司徒神有五姓茅許祝蔣吳並居揚州約爲兄弟揚地舊多虎五神嘗遇一老嫗拜爲母一日爲虎瞰五神奮往逐捕由是害息揚人德之立廟祀焉縣隸揚州亦因立廟

關王廟在縣治前

白馬廟在縣東三十五里一統志載揚州白馬廟云漢秣陵尉蔣子文嘗逐盜鍾山傷額而死吳先主初其故吏見子文乘白馬于道郡人因爲立祠此廟亦祀子文也

介之推廟在浮山後人以推高節立廟舊志謂推嘗從



晉文公適楚過此因祀之恐文公適楚未嘗至吳亦臆說也

晏公廟在縣南十里公名成仔臨江清江人元初爲文錦堂長登舟即尸解人以爲神

國朝封平浪侯 本縣居民避兵多依湖

水祀神求助云

子胥廟在縣東北十五里子胥姓伍名員字子胥後人以員孝義立廟舊志謂子胥奔吳嘗過此子胥入吳在黃州興國州之間未嘗到此亦臆說也

右以上非祀典所許可以有無者

墳墓朱壽昌墓在縣東四十五里舊勝因寺之西南墓前左右有池池之前有二碑亭燬于兵燹惟餘墓地瓦礫而已弘治十年知縣周道立石墓上

按秦蘭市之東多古墓必朱氏之塋也今其父朱巽其族朱延之諸人墓俱不可攷

柳先生墓在橫山

袁拙菴墓在汭澗

張僉憲墓在六里墩之南

陶刑部墓在蘆龍市之南

寺觀二氏之學浸入人心我

朝置有衙門印記志固不得遺也附于廟壇之末

羅漢寺在縣治東唐貞觀年間紫衣大師建元末兵燹

國朝洪武十五年僧得巖復創開設僧會司

琉璃寺即直勝寺也在縣東舊志載梁普通二年胡僧

達摩建元末兵廢洪武二十年僧善名重建嘉靖二

十七年邵侯時敏欲章井之瑞也改今名

地藏寺在縣東北四十五里舊志載唐貞觀年間白庵

和尚建洪武七年僧道護重建

天宮寺在縣東五十里橫山洪武二十二年僧善貞建

禪林寺在縣東北五十里城門鎮東元至正五年僧恕

本建今廢

釋迦寺在縣南四十五里

寶林寺在縣東二十五里王橋之北

萬善寺在縣南四十里冶山西

弘勝寺在縣西南四十五里田張橋西景泰八年僧德

受建

寶定寺在縣西南三十五里洪武間僧文權建

宣梵寺在縣西四十五里

大覺寺在縣西四十五里汭澗河之北河之南有廣濟寺天順三年僧福勝建四明周濂撰記金陵李文鏢字其文與書刻皆精善

興教塔院在縣北四十五里銅城鎮洪武二年僧善名建

天王寺在縣西七十里

踟躕寺在踟躕山

至道觀在縣治西舊志載至正年間建元末兵廢國初復建今廢

玄妙觀在北門外即玄帝祠

按縣庵院尚多皆民間私建茲不盡錄

君子安其身而後可以臨民嚴其居而後可以出政洪武初頒公廨式於天下府州縣公廨遂有定制

縣治在縣城西北洪武四年縣丞嚴植開設正統七年知縣周安重修嗣後增損不一據今錄之正堂三間之後爲退思堂堂之左爲典史廳右爲庫堂之前有

臺中有甬道道之中列戒石亭左爲吏戶禮承發架  
閣五房右爲兵刑工馬政四房儀門三間儀門之前  
左爲鑾駕庫右爲土地祠爲禁獄外門三間門之前  
鼓樓在左鐘樓在右鼓樓嘉靖乙巳夏王侯斛重建  
邑人王心記焉鐘樓久廢申明亭在縣前之右洪武  
五年縣丞嚴植建旌善亭在縣前之左洪武十七年  
知縣李浩建今亦遷於西舊志載二亭十三里俱設  
今皆廢

聖諭亭在縣治之西知縣楊中啓立

知縣衙在縣堂之後 典史衙在東吏房之左 吏署  
在西吏房之右

儒學初在縣治之東東門之內元末兵廢

國初洪武四年縣丞嚴植遷于縣前十五年知縣劉道  
源仍於舊基建立正統七年知縣周安重修成化十  
三年知縣鄭仁憲重建當時稱爲江北諸學之冠正  
德十五年知縣胡大有教諭陳佐重修嘉靖五年作  
御製五箴碑堂

明倫堂三間在

先師殿之後東西齋各三間號房二十四間堂之後爲御製五箴堂改退省堂爲之堂之後爲饌堂卧碑一通建置牌三通倉在先師廟之西南射圃在明倫堂之東舊有觀德亭

教諭宅遷堂之西訓導宅今遷東西兩齋

步月樓在學東月桂池之北知縣鄭仁憲建以處業舉子者今廢

社學原有三十六社社有小學今社學有二一在縣之西舊在縣東一在秦蘭鎮

始興書院在縣治東成化五年知縣易居仁建後更社學今改爲公館

讀書庵本耆民吳全所建以養浮屠氏者成化初邑人張昊陶金藏修其間未幾同領鄉薦遂扁今名

同人書院在秦蘭朱孝子祠堂之東講堂三間邑人王心與門人吳恕傅介宋鴛曹輅鄭棟劉淪馬淑卿王應中王應瑞義民宋棠老人王國華所建號房十二間修舊僧房爲之者詳見心所自記

城門鄉巡檢司在縣東北四十五里洪武二十五年巡

檢段伯榮開設景泰三年巡檢曾文重修正德九年  
知縣樂選重修

醫學舊在縣治前街洪武十八年訓科王固誠開設今  
遷于縣之右

陰陽學舊在縣治前洪武八年訓術帥惟善開設今遷  
于醫學之西

僧會司在縣東洪武十五年僧得巖於羅漢寺開設正  
統十年僧會本隆修正德間僧會如晟重修

道會司舊設在至道觀觀廢遷于玄帝祠後失其印遂

不承選

察院在縣治東南一百二十步建置未詳弘治十三年  
知縣張鑑重修嘉靖二十五年知縣王斛重修東西  
耳房三間穿堂三間後堂三間後又爲讌亭三間東  
西廊房六間書房二間廚房二間儀門一座三間大  
門三間  
公館二在縣之東西嘉靖二十六年邵侯時敏修建  
舊稅課局在縣治東南街北洪武二十年知縣張愚大  
使曹亨開設未詳何年革

舊牧監在縣治東察院前洪武十年開設專掌孳牧洪武二十八年革去永樂七年設主簿一員掌之

舊馬廄七處

演武場在縣東城外月城北隅操練民壯有廳三間知

縣張鑑建

顏勲氏曰一切公廨財力皆出于民昔之君子隨所至處之即如家室去之日修葺而後行今之君子或有縱奴隸而毀瓦木者矣如吾民之病何

坊表縣之前有承宣坊學之前有科第成俊育賢坊三

坊皆弘治九年教諭吾翁立今廢迎恩坊在西門外

迎接

詔令故名今廢演武坊在東門外市北縣南有登科坊爲

舉人馬中孚立攀桂坊爲舉人陳敏立冠英坊爲舉

人張琳立進士坊二一爲張昊立一爲陶金立縣南

有拔萃坊爲舉人王傑立縣西有庫部坊爲邑人王

心父贈兵部武庫清吏司主事王浩立

牛搏虎碑亭在西門外東嶽廟之東本府同知錢梗知

縣王斛立

橋梁縣之東有鳳凰橋橋上鑿鳳形故名 縣東有張公橋舊志謂張公名路斯隋初家潁上少以明經登第爲宣城令罷歸化龍淮南多立祠祀之此橋以近祠名恐或然也 西城門外曰普濟橋 南城門外曰永安橋 東城門外曰利涉橋 北城門外曰通濟橋 縣西三里有溪焉通石梁河春夏水溢往來病涉至元間邑人盧伯玉建橋曰馬埠橋嘉靖戊申邵侯又築堤於橋之東復作二橋人呼邵公橋 西四十五里汭澗鎮有化主橋舊名便民橋元至正間

張化主募工完之易名化主正德十二年邑人陳塗重建復舊名見知州史立誠記便民橋之南又有中市橋嘉靖十七年塗之孫陳棣重建 西九十里有平原橋 南七里有七里橋 二十里有汭子橋 東南二十五里有官橋橋之旁有巡檢司隸江都縣東門市之外曰新河橋 又十里曰渭水橋水名未詳弘治七年邑人鄭知縣重建今圯 二十三里曰蘆龍橋成化間邑人陶剛修 三十五里曰白馬橋 四十五里曰秦蘭橋 五十里曰香溝橋 東北



十里曰王橋 王橋之東曰新橋 北十里曰破城  
橋 十八里曰鴟口橋 石梁河官設渡船一隻  
城池

王公因天地之險而重設其險城池是也易之豫重門  
擊析以待暴客莒人安於卑陋而狡焉有思啓封疆  
之心者城池固不可已也天長舊爲重鎮城池遺址  
有可攷者

中都志載廣陵縣城築於漢高帝高帝之所築未定其  
何所也今之土城周六里二百一十步

心按相傳

國初建揚州城列軍士于道手授磚甃運之於揚今此  
地有遺磚上有楚州造或建康府造或江東安撫  
司造按楚州即淮安府隋唐間置其後或泐或革  
至宋仍之建康即應天府本宋江寧府建康軍高  
宗建炎三年改爲建康府設江東安撫司則此城  
築於南渡之初無疑而其廢也當在

國初建置揚州之時舊志謂在至元中建大都督府時  
殆不然也蓋至正十五年立淮東等處宣慰司置

司於此豈無城郭而可置司耶夫天長雖眇焉一縣而居于揚泗之間相去各百里有餘八衛之屯在焉江廣閩浙四省蘇松常鎮四府往來必由之道土地曠絕生齒繁庶而江淮巨盜不時竊發又無武衛城郭不建其何爲守今有土城所少者磚况此土城之上復築土墻每歲必加修理計其三歲之費足以爲磚城之半爲縣者豈不知也而不肯任其事恐當道見疑而生謗爾此城一建有利焉官民有所依恃盜賊不敢生心有事則揚泗

之門戶有守謗小而功大費少而利多若之何其已之所望賢侯誠心定力請諸當道爾

東城之外有月城遺址長若干丈月城之外有關城周五里若干步南城之外有舊城遺址此近郭者皆前代之所築而其興廢不可攷矣  
縣之西三十里有石梁城城在河南後周所築置石梁郡者遺址存焉西北四十五里有銅城舊志吳王濞所築于此鑄錢七十里盱眙之界有東陽城古東陽縣昔後周嘗併入石梁郡者也

東北高郵天長之界有三阿

按宋書謝玄破秦句難彭超於三阿王幼學集覽謂三阿今高郵北阿鎮是在晉爲三阿唐爲下阿徐敬業屯兵下阿即此地今五湖之下又有平阿湖然則三阿爲天長高郵之界去城門鄉不遠而謝玄自廣陵破秦固廣陵郡非廣陵縣也俗以三阿爲邑名固失之而舊志謂玄由廣陵即本縣亦非是

東北三十里有土城四十五里有城門舊志謂漢高帝

於高郵三阿東立城郭置廣陵縣即此今設巡檢司北七里有破城南二里有義城三十里有廢橫山縣其興廢歲月俱不可攷

縣西四十里有顏家寨南五十里有鮑家寨舊志謂二寨皆宋高宗南渡所築以禦金人者

東城之外月城之中有東門市鄭侯仁憲所置者東南五十里有樊公店東二十里有蘆龍鎮鎮有井其下甚鉅井之欄石旣斷而復合四十五里有秦蘭鎮宋之同人鄉秦蘭里也西四十五里有汭澗鎮凡言鎮

者皆古屯兵之處

戶口

洪武二十四年官民匠戶一千九十八口六千二百一十六

永樂十年戶九百九十二口七千八百一十五

成化十八年戶一千六百九十八口一萬四千三百五十

弘治五年戶二千二十七口

嘉靖二十一年戶四千五百四十五口一萬八千三

天長志卷之二

十九

百二十七

田糧

洪武二十年官民田地四百八十四頃九十九畝

夏稅麥五百三十一石八斗四升八合九勺

秋糧米二千六百七石八斗二升七合

永樂十年官民田地五百一十二頃七十八畝

夏稅麥五百五十一石四斗九升四合一勺

秋糧米二千七百九十六石二斗七升九合

成化十八年官民田地六百一頃九十畝四釐

夏稅麥六百五十三石七斗六升二合四勺八抄五

撮

秋糧米二千七百三石九斗六升七合八抄

弘治五年官民田地七百六十一頃四十五畝九分

四釐五毫

夏稅麥七百六十一石五斗九升九合七勺八撮五

圭

秋糧米二千一百一十七石二斗三勺七抄四撮五

圭

嘉靖二十一年官民田地一千一百二十九頃七畝

二分四釐四毫三絲五忽

官民田地三百一十六頃四十五畝九分四釐五毫

六絲七忽

夏稅麥八百一十八石六斗三升三合七勺九抄六

撮

官民農桑八千四百七十五株共絲一十五斤十五

兩五錢折絹十二疋二丈三尺二寸六分五釐

官民田四百八十二頃五十二畝六分一釐九毫六

絲八忽

秋糧米二千一百四十石五斗六升三合八勺九抄  
一撮五圭

隨糧馬草實徵六千五百八十九包二斤五兩六錢  
六分六毫六絲二微四纖

免徵官民地若干

免徵官民田若干每三百畝養騾馬一疋二百畝養  
兒馬一疋騾馬八十疋兒馬二十疋共一百疋

按養馬各處不同或以丁或兼丁糧惟本縣別有

免徵田地騾馬一疋每二年該孳生駒一疋其後  
所生之駒交俵不過每四戶買馬一疋而馬價出  
于種田之家其解也守候日久交兌艱難攬頭醫  
獸弊端百作解戶破產近日泗州泰州

奏乞免解本色止解馬價其亦寬民之一事乎在爲民  
父母者加之意而已

國初設群牧監管孳牧廠場有得勝廠草場有在城  
廠草場有小河廠草場有羔羊廠草場有昌平廠草  
場有萬安廠草場有楊村廠草場共七處後監革廠

廢其場佃于民間田地共二十五頃三十七畝九分八釐六毫二絲每年該租銀八十九兩八錢五分四釐三毫徵收貯庫聽候荒年買馬備用此先日之制也

每年額辦各色課程鈔一千五百九十六錠五貫四百七十二文

酒課鈔七十四錠四貫四百文 房地賃鈔三貫九百二十文 船課鈔三十錠四貫九百文 雜辦魚鮮課鈔三百四錠一貫 代辦革去稅課局商稅一

千一百八十二錠四百七十二文 契本工墨鈔七百二十文

歲辦退毛硝熟皮二十張

鹿皮十五張 羊皮四張 獐皮一張

歲辦黃草根二十五斤 歲辦苜蓿種子一斗九升 每年分均徭銀差

本縣各官祇候五名每名銀十二兩馬夫二十名每名銀四兩二項共銀一百四十兩 縣學膳夫八名銀八十兩 祭祀丁壇銀五十兩 鄉飲酒禮二次

銀十兩 齋夫六名共銀七十二兩 鞭春銀一兩  
歲貢盤纏銀二十五兩 養濟院布花銀六兩

以上共銀二百四十四兩

力差

縣堂庫子一名皂隸十名禁子四名共十五名每名  
銀八兩共銀一百二十兩 縣堂門子二名縣倉預  
備倉斗級二名城門鄉弓兵二十名共二十四名每  
名銀六兩共銀一百五十一兩

察院門子二名府館門子一名每名銀三兩 巡攔二

名每名銀四兩 二項共銀一十七兩

各舖司兵共四十名縣前舖司銀五兩其餘司兵銀四  
兩共銀一百六十一兩

廟夫一名銀五兩

以上銀力二差皆吾邑父兄子弟所不容已者而  
近日有新增者類皆他邑之差爲牧者厚彼而不  
顧此縣之瘠爲令者奉上而不顧小民之害積加  
于吾父兄子弟者亦多矣

又按平原西去盱眙六十里東去本縣九十里况



本盱眙之地而本縣之界至天王寺而止乃編本縣之民應司兵之役於盱眙之地此亦役之不均而當改正者也

魏濂氏曰均徭里甲惟丁糧是論雖有定年定數但本縣地當衝要往來使客絡繹不絕供億夫馬俱取足於縣故里甲均徭之外每五年又有借倩點差而民得息肩者蓋無幾時矣况本縣蕞爾之田八衛之屯在焉客戶多主戶少近日民多流竄田歸客戶已居太半嘉靖二年因外郡寄莊但納

稅糧而無差役署縣事定遠縣縣丞高祿申議寄莊每糧一石令其出銀三錢幫助里甲夫馬縣侯華淳復申明之十二年留守司斷事萬梈將前銀議作買馬每年令其迭相交代勒石縣門十八年張侯寅又復申議加銀五錢仍助夫馬此意未嘗不善也今此銀每年解府作別項支用而里甲無復得助矣况里甲銀差新增府學膳夫一名該銀十五兩守備太監皂隸一名該銀十二兩其力差則協濟驛傳大店上馬一疋該銀四十二兩中馬

一疋該銀三十八兩張橋驛二頭該銀六十八兩  
紅心驛驪二頭該銀六十二兩轎夫二十名該銀  
二百兩固鎮驛水夫銀二兩八錢扛夫二十四名  
銀二百四十兩濠梁驛扛夫五十一名銀五百一  
十兩館夫銀九十兩新橋驛水夫銀二兩八錢四  
分二釐泗水驛斗級半名銀四十五兩總計各驛  
夫馬銀共該一千二百三十一兩八錢俱於槩縣  
田糧議處每糧一石出銀八錢九分以足其數夫  
以一縣而東接揚州府江都縣南接儀真縣六

合縣西接泗州盱眙縣北接高郵州寶應縣又無  
驛遞竭一縣之力尚不足以支况重以協濟他方  
乎本府同知錢公親白其事於撫按邑人兵部主  
事王心上書於郡守邑侯王斛屢次申請雖小得  
減去而所存尚如前所列若不爲寬減則今存之  
田恐終不得爲吾邑人之有矣二十六年秋邵侯  
蒞任哀民之窮面訴于當道求減而未允也夫一  
民失所仁人隱焉况此一邑之無告乎詩曰民亦  
勞止迄可小康均爲子民惟我侯牧幸均其愛

惠政

預備糧儲倉在縣治南洪武二十三年知縣呂貫建弘治十年知縣張鑑增建倉之東臨街有坊扁曰預備倉

養濟院在縣治東城隍廟之西弘治十三年知縣張鑑重修嘉靖二十五年王侯斛重修

義塚原在縣北城外成化十八年知縣鄭仁憲買地於厲壇之西令貧民族葬有記存焉嘉靖十八年知縣張寅鬻舊基於鄉民乃於縣東演武場之東因邑人

張翊所施之地更買地以廣之而立石焉

八衛屯田

龍江右衛屯在縣西南 龍江左衛屯在縣南 京水軍衛屯在縣西南 羽林衛屯在縣西 江陰衛屯在縣西南 泗州衛屯在縣西北 興武衛屯在縣西 高郵衛屯在縣西北

學校風俗

先王之世制田里興學校仲尼亦曰庶富而教文廟學宮官師科貢姓名別見凡一切禮宜風化皆學校

掌之

洪武二年十一月中書禮部奉

旨頒下立學設科格式于天下禮律書爲一科樂射筭爲

一科各專治一經教授學正教諭訓導從各處守令

有德有學達時務者選充使生員知孝弟忠信禮義

廉恥通曉古今識達時務是年

欽依定罪名及學校格式鐫碑于學 三年

頒射儀

詔開科舉 八年

天長志卷之三

二十七

詔天下立社學 十五年

頒禁例天下學校勒卧碑嗣

頒教民榜一通

大明令一部

大誥三編

大明律一部論語大學中庸孟子集註易經本義書經蔡

沈集註詩經集傳春秋胡傳禮記陳傳朱子綱目洪

武禮制諸司職掌

大明集禮禮儀定式

孝慈錄 十六年令天下府州縣歲貢生員各一人 十八年令歲貢生員不中式者復學肄業提調訓導官罪之 二十四年定文字格式

永樂頒

御製爲善陰騭一部孝順事實一部四書五經諸儒性理大全各一部劉向說苑新序各一部

正統六年令天下府學一年貢一人州三年二人縣二年一人 十三年令州四年三人

弘治頒

天長志卷之三

二十八

大明一統志一部綱目續編一部通鑑一部

大明會典一部

嘉靖頒

明倫大典一部僞學榜文一道

敬一箴四箴解

廩膳二十名增廣二十名附學無定數每日教官公座生員畫卯酉每日朔望提調官詣

文廟行香陞明倫堂講書查考生員課業四季考試習射有常儀

天壽千秋元旦長至朝賀

詔書開讀文廟社稷山川祀典邑厲諸神祭祀鞭春日月  
食鄉飲新官到任考滿禮有定儀皆生員相行之

洪武禮制各鄉村人民每里百戶內立壇所祀五土五  
穀之神每歲輪當會首春秋二社有

欽頒祝文抑強扶弱之誓百戶之內又有鄉厲每歲三祭  
即用

欽頒府州縣之文會飲讀誓與祭里社同又有鄉飲酒禮  
其儀文視儒學尤詳今皆不行

冠禮雖士大夫家亦不行喪禮多雜浮屠祭先用俗節  
惟婚嫁稱家有無

泗州志曰喪葬親族亦相爲助但葬不甚厚齊民之家  
大抵有棺而無槨

張天駙氏曰元張以寧學記稱天長水土厚以深  
風氣質以愿舊志謂民務農桑士尚文學中都志  
謂士習詩書民尚孝弟力本者多爭訟者少其大  
較也在今則質愿漸入虛華力本趨於末藝爭訟  
公庭頗不少矣

本縣東北鄉多圩田西南鄉多岡阜富家婦女驕逸不知紡緝中家婦女力田穡親井臼

宋史地里志稱江淮土壤膏沃有茶鹽絲帛之利人性輕揚喜商賈鄜里饒富多高資之家今觀本縣則不然惟知耕種少事販鬻衣食取足不知畜積每年穀麥糶於外郡歲一不收而仰外郡之粟則必有餓死之家矣

本縣多無賴之徒賭博成風家人子弟幼小而父兄早亡被其勾引而破產業者徃徃十居七八

本縣游手者衆鎮市僅四處而所謂經紀者乃千餘人皆不力稼穡衣食於市物價之低昂惟在其口而民間之貿易必與之金甚至一肩之草一籃之魚皆分其值而後售此天下之所未聞也

